

二論同卷

大乘法界無差別論

通八

金剛頂瑜伽中發阿耨多羅三藐三菩提

心論

大乘法界無差別論

堅

慧

菩

薩

造

唐子開三藏提雲般若譯

法界不生亦不滅
由彼發勝菩提心

無老病死無蘊過
是故我今稽首禮

永樂北藏

大乘法界無差別論

有情菩提心具足
一切善法所依處
彼種含在母胎中
信心勝智菩提本
性淨覺心常無垢
如蘇迷盧超眾嶽
貪瞋癡等皆斷盡
過於死伽沙夜能
淨我樂常波羅蜜
因時即是菩提心

通八

能生聖者及自然
由如地海種子等
亦如乳母共長養
大定大悲育應知
猶如火寶太虛空
一切白法寶生處
不為煩惱過所牽
萬法圓滿光映徹
得成應供十力尊
果滿德圓名正覺

第一二六册

彼體能舍法界相
菩提心法不思議
無始以來非造作
以空無相慧了知
彼性一切法所依
法身與彼衆生界
不淨及與淨非淨
初即衆生次菩薩
塵垢所汙性不明
煩惱雲網皆解脫

智光朗徹淨無瑕
諸佛如來皆讚歎
無有質礙亦無終
諸佛如來之境界
遠離斷常二種見
是故佛說本無差
極淨次第應當知
最後如來極清淨
喻若重雲掩麗日
日輪光照滿虛空

劫火熾盛在空中
如是法性不被燒
一切世間生滅法
如是無爲法界中
如燈明煖色和合
如是佛法與體俱
客塵煩惱性非有
不空無垢法相應
如蓮開已葉所蓋
亦如滿月羅睺吞

太虛本無有燒相
老病死火無能壞
皆悉不離於虛空
諸根依此而生滅
離此三法更無燈
離此法外無別體
與彼淨體先相離
無有斷脫常隨轉
如金性淨沒穢中
不能照世煩惱覆

如清池水妙華敷
金山泥滓無能汙
如淨空中星月滿
解慧圓照垢消除
譬如旭日照世間
千光是耀普周遍
如地如海穀寶滿
得脫生死養衆生
恒處生死發智悲
常無常等無佳著
禪定總持清淨水
牟尼王雲善穀因
斯即法身是如來
亦名聖帝真圓寂
如水與冷不相離
佛果涅槃亦復然
論攝頌曰

果因及自性 異名與差別 異相不染性

亦名常和合 有無義一性 略說有十二
菩提心之名 應知其次第
釋曰此是論體
其中先示菩提心果次明功能從彼因起因
既起已即自性施設相貌異名差別隨愛身
處不被汙染故說為常和合無別善法相應
住煩惱中名為無義出纏清淨名為有義亦
名一性俱涅槃故十二種義次第應知於中
何者是菩提心果所謂諸佛寂滅涅槃是也
亦非餘者何以故微細習氣悉已斷故言無

生者意成諸蘊本不生故言無老者寂滅功能增長殊勝至邊際故言無病者一切煩惱習障及所知障俱永斷故言無死者不思議變易無終盡故言無蘊者無始無明住地悉以斷故言無過者一切身口意業無過失故亦能超過一切諸功能故彼由何得從菩提心最勝方便不退失因而能證得涅槃果故何者名涅槃界所謂諸佛不可思議法界之性轉依法身是涅槃界也是故我今頂禮彼不思議菩提之心因果增長漸漸明盛如初

月故

復次菩提心種子者一切世間善法穀生所依住處如大地故一切聖者法寶出處如大海故一切諸佛道樹之所從生次第之因緣種子故此是菩提心之果也

復次何以得知彼因相應如轉輪王子言淨信者即是菩提心種言勝智者即最勝般若若能了一切名之爲母三摩地者以定爲胎一切善法安住其中安樂爲體言大悲者於諸衆生起大悲故於生死中不疲倦故及能圓

滿一切種智養菩提心爲乳母故復次彼因和合菩提之心應知有二何者爲二一謂煩惱所染汙相二謂白法自性之相於中染者彼自性清淨常心不染而爲客塵煩惱覆障染汙猶如火等自性清淨爲灰泥雲塵等障蔽譬如火與寶珠虛空及水自性不染若離灰等火等自性皆得清淨一切衆生亦復如是自性之心皆同清淨爲貪等煩惱之所染汙若離貪等則心得清淨復云何知白法之相亦皆清淨一切白法之所依止一切白法

亦從彼生如蘇迷盧山出生寶故菩提之心亦復如是一切伎藝皆得圓滿獲得四種大波羅蜜多是故說爲如來法身如經中說世尊如來法身是常波羅蜜樂波羅蜜我波羅蜜淨波羅蜜彼如來法身爲煩惱隨煩惱之所染汙自性清淨心是異名說如經中說舍利弗此善法如實真如法界自性清淨心相應法體我依此自性清淨心爲衆生故說爲不可思議復次彼心於諸衆生爲千種事無差別相所

謂無作故無始不生故無終不滅故無礙自性光明故以空智知一切法一味相猶無性故無性即無相離諸根境界故是聖者所行諸佛境界故一切法所依染淨諸法所依止故遠離於常染法無常故遠離於斷白法不斷故此復差別略有三相言不淨者即初說名爲衆生界淨不淨者即次說名爲菩薩也極清淨者說爲如來如經所說舍利弗即此法界過於恒沙無邊煩惱殼卵所纏裹無始世來常爲生死波浪漂流往來生滅恒處中

流說名衆生舍利弗即此法界無邊厭離生死不住涅槃一切欲界中住行十波羅蜜攝八萬四千法門行菩提行時名爲菩薩舍利弗即此法界一切俱胝煩惱解脫度一切苦遠離一切煩惱隨眠纏垢證得清淨最極清淨法性中住一切衆生之所瞻仰住一切爾焰地得大勢力無障無著於一切法得自在力說名如來應正等覺是故舍利弗無別衆生界無別法身衆生界即法身法身即衆生界此無二義文字差別

此復云何在不淨時煩惱所染猶如重雲掩
覆麗日自性清淨心無有染客塵煩惱既除
遣已日輪晃曜遍滿虛空既有生老病死云
何復說此性爲常猶如火劫燒太虛空空界
無爲本無燒相法界無爲亦復如是老病死
火無能燒壞是故經說世尊世間言說有死
有生非如來藏有生死也世尊死者舊諸相
壞生者新諸根起世尊如來藏離有爲境界
相常住寂靜此之藏性既常住不變未能發
起云何得與佛法相應猶如燈明及與煖色

更無別相法與法身亦復如是如佛說言舍
利弗譬如燈無二法功能無二所爲光明及
煖色等不相離故或如寶珠光明形色如是
如是舍利弗如來所說法身不相離法智慧
功能所爲過殤伽沙如來之法如說世尊有
二種如來藏通六空不空智何者爲二世尊所謂
空如來藏與煩惱惡卵和合無別不了解脫
不空者過恒河沙不離不脫不異不思議佛
法成就說如來法身何故法身萬德圓滿功
德具足衆生因何不得解脫喻若蓮華邪見

羅網葉所覆故亦如真金隨於疑惑不淨穢
故猶如滿月我慢羅睺之所吞故如清池水
貪欲塵垢之所濁故喻彼金山爲瞋恚泥所
塗染故如太虛空愚癡之雲遍滿遮故如日
未出無明住地之所障故六處太蘊胎藏中
住如器世間相未成故如是無雨緣未合故
蓮華金滿月 池水金山空 如日大地雲
佛性客塵染 煩惱覆功能 佛事無由作
略說九譬喻 染淨翻應知
由此如來法身復如是一切煩惱客塵離障

盡故自性功能具足故得成應供一切衆生
同共受用證得常住寂靜清涼不思議涅槃
界所謂說如來應正等覺非異如來法身外
別有涅槃又如所說衆生界得清淨時應知
即是法身法身即是涅槃界涅槃即是如來
如經中說世尊通八無上正等覺者即是涅槃世
尊涅槃界者即是如來法身世尊法身之外
無別如來世尊如來者即是法身此無有異
也即是苦滅等是故經言世尊非壞法故名
爲苦滅然苦滅者無始無作無生無起無滅

無盡離盡常住不動寂靜自性清淨破一切煩惱殼卵過苑伽河沙不離不脫不思議佛法具足說如來法身世尊此是如來藏未脫煩惱殼卵名如來藏世尊如來藏者是諸如來空智世尊如來藏一切聲聞緣覺所不能

見先未曾見昔未曾得唯有如來得證及破一切煩惱殼卵修習一切苦滅道是故如水與冷覺性與涅槃無二無別故或說一乘性欲或不涅槃又說同一法界或小涅槃或中涅槃或大涅槃不爾下中上因中轉果應為

一也因既差別果亦差別是故言世尊無有下中上者得涅槃世尊平等法者平等智者平等解脫者解脫知見者證得涅槃是故世尊涅槃界一味等味所謂明解脫味
大乘法界無差別論

金剛頂瑜伽中發阿耨多羅三藐三菩提心

論亦名瑜伽總持教門說
菩提心觀行修持義

唐大興善寺三藏沙門大廣智不空奉 詔譯

大廣智阿闍黎云若有上根上智之人不樂外道二乘法有大度量勇銳無惑者宜修佛